

北京圖書館 編

北京圖書館藏珍本
年譜叢刊

第 197 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 197 冊



第一九七冊目錄

夢懷錄民國十三年至十七年	一
疇隱居士自訂年譜	五五
錢士青先生編年事略	一八九
錢士青先生年譜	二二九
錢士青先生年譜	二四九
粹廬自訂年譜	二七一
樂農自訂行年紀事	三二一
環璽齋主人年譜	四六一
先君年譜	五〇五
天風澥濤館六十自述	五一九
王海髯先生年譜	五七五

民國十三年甲子五十一歲

一月賞女就江蘇省立第一中學校國文教員校
在南京中正街 同月教育部減收余月薪壹百
四十元被減四十元 二月二日(十二月二十八
日)本館章主任撤差(越五日死)同日教育部復派
徐鴻賓為本館主任 三月二十五日(夏曆二月
二十一日)瑯兒起病身熱五六日不退自醫束手
改內醫服藥一副無效漸動風內醫束手薦楊醫
詢庵用羚羊角五分當時有尼三者余決意煎服
服後熱退後二日發水並發熱而愈同時瑜瑾西

女先沒咳嗽發痧子見惡甚多服藥即痊 五月
四日(夏歷四月朔)同事奎任甫君約余遊崇效寺
觀牡丹寺在外城西南隅與吾廬內城東北隅相
距生二十里外如七八年來未曾一至時則婪尾
春光圓色正濃名色之多一時無匹遂於盛開名
種畔瀹茗兩小時歸途又買辟虎坊橋名茶四十
餘種余另有記 同月 日(夏歷四月 日)
青來接眷至京賃屋宣武門內南溝沿 六月上
旬(夏歷端節後)挈岱靈瑜瑾往候蘋妹遂與青來
同西窗七人遊農事試驗場泛舟瀹茗其瑜不適

吾家諸人先返 七月一日(夏曆五月三十日)中
華教育改進社在南京開年會並在貢院舊址開
全國教育品展覽會請教育部撥本館善本圖籍
赴會遂派余賣宋元古籍並晉唐寫經及本館
藏又泐摹藏唐古式文字暨四庫中三最精摹繪
各種共數十件往南京三日開會十日閉會七日
晚後痧甚劇幸賞女在秣急治漸愈公畢將圖籍
寄存孟芳圖書館於慈子磯莫愁湖雨止臺明陵
諸名勝均驅車一到賞女先往滬余由許墅開偕
內人到滬三人同回里住三日與錦文炸了承登

堂公共存款壹千元打七折又讓利壹年半論錦
叔景況本無抄讓之必要但老年遭子不肖當特
別原諒之十八日夜車赴南京十九日進城取圖
籍二十日浦口乘車二十一日晚回京一切圖籍
幸無損失 同月良松畢業吳淞同濟大學校預
科能入該校土木工程本科 八月中覺女仍往
屯溪四女師改就中學部主任時內人已辭靈校
內人在蘇因岳父唐滬年高上年壽終故辭去為
送覺女至杭二十二日回禾齊盧王役已矢在弦
上矣 同日余留鬚 八月二十六日(夏歷七月

二十六日(晚)杭至滬專車在嘉站南被奸細毀軌
傾覆二十七日上午交通斷絕勢益岌二十八日
致才弟令良極送懷雅西極女往滬二十九日晨
令純麟西極往滬良極早車返禾下午送其母及
怡寶往滬先是崧弟媳因父歿週年往蘇是日遇
於滬站遂止於滬家中祇有內人及西弟與傭人
九月三日(夏歷八月初五日)東路黃渡開戰四日
內人往滬崧弟亦經禾春屠任白克路敦誼里仲
經兄厲弟極住凌馬路景行里許杏泉姊丈厲上
海米價每石陡漲至二十元八日內人同純極回

未取行李並取各人衣服九日再至滬十三日（中）
秋節（內人率賈觀落甥女及姪姪來京就學乘新
銘輪船至津十七日到京十八日盧督辦永祥旌
杭嘉興知事亦適因閩軍由衢入浙十九日致才
弟到滬家中託傭人看守自十八日起杭湖兩方
晝夜撤兵嘉興適當衢毫不騷擾二十三日（夏）
曆二十五日（秋分）撤完午刻炸毀嘉松間各橋梁
二十四日蘇皖聯軍到禾小齟齬稍罷市二十五
日孫傳芳入杭城就督理時是日雷峯塔坍倒即
孔子聖誕即晚孫軍抵禾二十六日孫軍聞嘉善

直至十月十三日(夏歷九月望)盧公齡去上海軍
事游見收束夏歷九月杪盧家由水道回未因銑
路楊梁尚未修復至役廬墓無恙賴盧軍紀律嚴
明父老維持得法前僅費客軍供給數千元 九
月二十二日(夏歷八月二十四日)岱霞胃痛舊恙
復發日甚一日二十四日晚痛勢劇列入道滿婦
嬰醫院二十五日轉送恆和醫院二十九日(夏歷
九月朔)午刻用阿茶割治四小時漸醒縫口插皮
管數日間流出黃水十餘瓶(大小似漿糊瓶)割後
住四星期出院 九月余與楊鑑塘君舉頌生君

至傳宅清理書籍半月餘 九月十二日夏歷八月十四日京奉路通車停止十七日吳佩孚到京住四照堂十八日下討伐張作霖命令並派三路總司令^令十路援軍司令及籌備防禦等各司令二十九日山海關開戰十月十一日(夏歷九月十三日)吳佩孚出京二十三日晨第三軍總司令馮玉祥班師回京首繳公府衛隊旅槍械又捕李彥青等上午各城門各街口及電話電報火車交通一概斷絕三十日廊坊一帶馮吳兩軍開戰三十一日(夏歷十月初四日)張鄒代劇十一月二日曹錕

幽禁延慶樓同日吳軍第九路援軍司令潘鴻鈞
在楊村被俘吳軍敗績三日吳佩孚棄天津由塘
沽出海而遁 十一月五日(夏歷十月初九日)午
刻馮軍鹿鍾麟等入清宮令溥儀承認修改優待
清室條件五款即日廢除尊號遷移出宮溥儀無
力抵抗即移汝海與其父載灃同居此舉政府從
李煜瀛(高陽文正公鴻藻之子)請也 十日余由
館中派往清宮與北京大學及歷史博物館人員
會同軍警等封閉乾清宮端凝殿懋勤殿養心殿
交泰殿坤寧宮但封門戶未查室中時清室善後

委員會尚未成立而渝璿兩太妃亦未出宮(二十
一日出宮) 十二月九日奉教育部令規復本館
舊章三課課長悉行撤銷 同月二十七日復歷
十二月初二日盧軍師長陳樂山潛入駐松江第
四師率其舊部與孫傳芳軍相持於嘉松之間未
城危岌家中賃教堂餘屋一間以備不虞 是歲
膠濟綫火車中途失火死傷四十餘人 收回德
發債票英金壹百貳拾五萬鎊 前藏許英人在
阿果等處開金礦 葫蘆島開商埠 畿輔湘粵
長江各省均大水 外蒙蘇俄訂交通條約 十

一月二十四日段祺瑞入京執政 十二月十六
日北京開行電車 唐努烏梁海脫離外蒙獨立
歲底洋價銅元貳百捌拾枚 全年領圖書館
薪水四月餘 夏歷元旦立春

民國十四年乙丑五十二歲

一月一日(夏歷十二月初七日)余留鬚後第一次
攝影添影十餘張分寄南中戚友 同日陳樂山
戰敗退出松江二日孫傳芳軍佔領松江三日陳
樂山單身遁入上海法租界 十一日齊燮元孫
傳芳會師暗襲淞滬護軍使張允明龍華鎮哭起

劇戰滬西流彈雨下張軍不支逃竄搶掠去秋盧
公離滬時無此嚴重紛擾幸戰爭僅一日解決收
容敗兵不逾三日然寫滬戚族受驚不淺 二月
七日(元宵)晚同其元姪(原名其麟入京校改今名)
岱霞其瑜至中央公園社稷壇觀焰火五光十色
衝突霄漢細緻似不若故鄉所製光彩變幻則勝
過之 同月二十二日(夏歷正月三十日)褚母舅
應政府邀請到京為善後會議會員賃屋頭髮胡
同 三月十二日(夏歷二月十八日)上午九時半
孫文卒於鐵獅子胡同行館(顧維鈞住宅)先是上

年十二月三十一日抵京寓北京飯店一月二十
六日入協和醫院割治肝癌二月十八日出院入
行館是日殁後越一小時即移屍入協和醫院剖
納防腐藥品十九日由汪精衛李烈鈞于右任等
分組親舁靈柩至中央公園社稷壇正殿二十四
日至二十七日開放公園四天任人參觀其元其
瑜隨學校團體往余亦前往見棺小似匣褐色梭
形對屍面嵌玻璃左右有銅環各三可以手提四
月二日移至香山碧雲寺金剛寶座之石龕 四
月十二日(夏歷三月二十日)其孀斷乳李媽哺乳

得力善遣之第一二晚吵鬧一二次月餘李媽來
不索乳而親愛備至別時亦不攀戀蓋此兒秉性
爽快也 同月二十二日(夏歷三月三十日)余因
欠薪日甚經褚母舅介紹外交部蒙吳興沈硯齋
總長瑞麟派兼該部圖書處任事 同月二十九
日褚母舅出京回南 五月(夏歷四月)其元其瑜
入學校團體乘京門支路火車往翠微山香山旅
行晚宿西山某小學校越日旁晚回城其元到京
半載未覩郊外風景故不以路遠阻之 五月三
十日(閏四月初九日)北京圖書館協會為歡迎美